



文選正文

山子點

十二

~ 16
3344
13



門へ16
號3344
卷13-

文選正文卷之十二

連珠類

演連珠五十首

陸機

臣聞日薄星迴穹天所以紀物山盈川冲后土所以播氣五行錯而致用四時違而成歲是以百官恪居以赴八音之離明君執契以要克諧之會

臣聞任重於力才盡則困用廣其器應博則凶是以物勝權而衡殆形過鏡則照窮故明主程才以效業貞臣底力而辭
臣聞髦俊之才世所希乏丘園之秀因時則揚是以大人基命不擢才於后土明主聿興不降佐於昊蒼



昭
41年12月20日
原安三郎氏贈

臣聞世之所遺未爲非寶主之所珍不必適治是以俊乂之藪希蒙翹車之招金碧之巖必辱鳳舉之使

臣聞祿放於寵非隆家之舉官私於親非興邦之選是以三卿世及東國多哀弊之政五侯並軌西京有陵夷之運

臣聞靈輝朝觀稱物納照時風夕灑程形賦音是以至道之行萬類取足於世大化既洽百姓無匱於心

臣聞頓網探淵不能招龍振網羅雲不必招鳳是以巢箕之叟不盼丘園之幣洗渭之民不發傅巖之夢

臣聞鑒之積也無厚而照有重淵之深目之察也有畔而眦周天壤之際何則應事以精不以形造物以神不以器是以萬邦凱樂非悅鐘鼓之娛天下歸仁非感玉帛之惠

臣聞積實雖微必動於物崇虛雖廣不能移心是以都人冶容不悅西施之影乘馬班如不輟太山之陰

臣聞應物有方居難則易藏器在身所乏者時是以充堂之芳非幽蘭所難繞梁之音實繁絃所思

臣聞智周通塞不爲時窮才經夷險不爲世屈是以陵飈之羽不求反風矚夜之目不思倒日

臣聞忠臣率志不謀其報貞士發憤期在明賢是以柳莊黜殞非食瓜衍之賞會息碎首豈要先茅之田

臣聞利眼臨雲不能垂照朗璞蒙垢不能吐輝是以明哲之君時有蔽壅之累俊乂之臣屢抱後時之悲

臣聞郁烈之芳出於委灰繁會之音生於絕絃是以貞女嬰

名於沒世烈士赴節於當年

臣聞良宰謀朝不必借威貞臣衛主修身則足是以三晉之疆屈於齊堂之俎千乘之勢弱於陽門之哭

臣聞赴曲之音洪細入韻頤節之容俯仰依詠是以言苟適事精麤可施士苟適道修短可命

臣聞因雲灑潤則芬澤易流乘風載響則音微自遠是以德教俟物而濟榮名緣時而顯

臣聞覽影偶質不能解獨指跡慕遠無救於遲是以循虛器者非應物之具翫空言者非致治之機

臣聞鑽燧吐火以續陽谷之晷揮翮生風而繼飛廉之功是以物有微而毗著事有瑣而助洪

臣聞春風朝煦蕭艾蒙其溫秋霜宵墜芝蕙被其涼是故威以齊物爲蕭德以普濟爲弘

巧盡於器習數則貫道繫於神人亡則滅是以輪匠肆不之奚仲之妙警叟清耳而無伶倫之察

臣聞性之所期貴賤同量理之所極卑高一歸是以准月稟水不能加涼晞日引火不必增輝

臣聞絕節高唱非凡耳所悲肆義芳訊非庸聽所善是以南荆有寡和之歌東野有不釋之辯

臣聞尋煙染芬薰息猶芳微音錄響操終則絕何則垂於世者可繼止乎身者難結是以玄晏之風恒存動神之化已滅

臣聞託闇藏形不爲巧密倚智隱情不足自匿是以重光發

藻尋虛捕景大人貞觀探心昭武

臣聞披雲看霄則天文清澄風觀水則川流平是以四族放而唐劬二臣誅而楚寧

臣聞音以比耳爲美色以悅目爲歡是以衆聽所傾非假百里之操萬夫婉變非俟西子之顏故聖人隨世以擢佐明主因時而命官

臣聞出乎身者非假物所隆率平時者非克已所勗是以利盡萬物不能厭童昏之心德表生民不能救棲遑之辱

臣聞動循定檢天有可察應無常節身或難照是以望景揆日盈數可期撫臆論心有時而謬

臣聞傾耳求音眡優聽苦澄心徇物形逸神勞是以天殊其數雖同方不能分其感理塞其通則並質不能共其休

臣聞遁世之士非受匏瓜之性幽居之女非無懷春之情是以名勝欲故偶影之操矜窮愈達故凌霄之節厲

臣聞聽極於音不慕鈞天之樂身足於蔭無假垂天之雲是以蒲密之黎遺時雍之世豐沛之士忘桓撥之君

臣聞飛轡西頓則離朱與矇眊收察懸景東秀則夜光與珎珠匿耀是以才換世則俱因功偶時而並劬

臣聞示應於近遠有可察託驗於顯微或可包是以寸管下俟天地不能以氣欺尺表逆立日月不能以形逃

臣聞絃有常音故曲終則改鏡無畜影故觸形則照是以虛已應物必究千變之容挾情適事不觀萬殊之妙

臣聞。祝。故。希。聲。以。諧。金。石。之。和。鼙。鼓。疎。擊。以。節。繁。絃。之。契。是。以。經。治。必。宜。其。通。圖。物。恒。審。其。會。

臣聞。目。無。膏。音。之。察。耳。無。照。景。之。神。故。在。乎。我。者。不。誅。之。於。已。存。乎。物。者。不。求。備。於。人。

臣聞。放。身。而。居。體。逸。則。安。肆。口。而。食。屬。厭。則。充。是。以。王。鮪。登。俎。不。假。吞。波。之。魚。蘭。膏。停。室。不。思。銜。燭。之。龍。

臣聞。衝。波。安。流。則。龍。舟。不。能。以。漂。震。風。洞。發。則。夏。屋。有。時。而。傾。何。則。率。乎。動。則。靜。凝。係。乎。靜。則。動。貞。是。以。淫。風。大。行。貞。女。蒙。冶。容。之。誨。淳。化。殷。流。盜。跖。挾。曾。史。之。情。

臣聞。達。之。所。服。貴。有。或。遺。窮。之。所。接。賤。而。必。尋。是。以。江。漢。之。君。悲。其。墜。屨。少。原。之。婦。哭。其。亡。簪。

臣聞。觸。非。其。類。雖。疾。弗。應。感。以。其。方。雖。微。則。順。是。以。商。飈。漂。山。不。興。盈。尺。之。雲。谷。風。乘。條。必。降。彌。天。之。潤。故。閭。於。治。者。唱。繁。而。和。寡。審。乎。物。者。力。約。而。功。峻。

臣聞。煙。出。於。火。非。火。之。和。情。生。於。性。非。性。之。適。故。火。壯。則。煙。微。性。充。則。情。約。是。以。殷。墟。有。感。物。之。悲。周。京。無。佇。立。之。跡。

臣聞。適。物。之。技。俯。仰。異。用。應。事。之。器。通。塞。異。任。是。以。鳥。棲。雲。而。繳。飛。魚。藏。淵。而。網。沈。賁。鼓。密。而。合。響。朗。笛。疎。而。吐。音。

臣聞。理。之。所。守。勢。所。常。奪。道。之。所。閉。權。所。必。開。是。以。生。重。於。利。故。據。圖。無。揮。劍。之。痛。義。貴。於。身。故。臨。川。有。投。跡。之。哀。

臣聞。通。於。變。者。用。約。而。利。博。明。其。要。者。器。淺。而。應。玄。是。以。天。地。之。曠。該。於。六。位。萬。殊。之。曲。窮。於。五。絃。

臣聞圖形於影未盡纖麗之容察火於灰不覩洪赫之烈是以問道存乎其人觀物必造其質
臣聞情見於物雖遠猶疎神藏於形雖近則密是以儀天步
啓而修短可量臨淵揆水而淺深難察
臣聞虐暑熏天不減堅冰之寒涸陰凝地無累陵火之熱是以吞縱之彊不能反蹈海之志漂櫓之威不能降西山之節
臣聞理之所開力所常達數之所塞威有必窮是以烈火流
金不能焚景沈寒凝海不能結風
臣聞足於性者天損不能入貞於期者時累不能淫是以迅
風陵雨不謬晨禽之察勁陰殺節不凋寒木之心
箴類

女史箴

張華

茫茫造化二儀既分散氣流形既陶既甄在帝庖羲肇經天
人爰始夫婦以及君臣家道以正而王猷有倫婦德尚柔含
章貞吉婉嫕淑慎正位居室施衿結褵虔恭中饋肅慎爾儀
式瞻清懿樊姬感莊不食鮮禽衛女矯桓耳忘和音志厲義
高而一主易心玄熊攀檻馮媛趨進夫豈無畏知死不恡班
妾有辭割驩同輦夫豈不懷防微慮遠道罔隆而不殺物無
盛而不衰日中則昃月滿則微崇猶塵積替若駭機人咸知
飾其容而莫知飾其性性之不飾或愆禮正斧之藻之克念
作聖出其言善千里應之苟違斯義則同衾以疑出言如微
而榮辱由茲勿謂幽昧靈監無象勿謂玄漠神聽無響無矜

爾榮天道惡盈無恃爾貴隆隆者墜鑒于小星戒彼攸遂比
心益斯則繁爾類驪不可以黷寵不可以專專實生慢愛極
則遷致盈必損理有固然美者自美翩以取尤冶容求好君
于所讐結恩而絕職此之由故曰翼翼矜矜福所以興靖恭
自思榮顯所期女史司箴敢告庶姬

封燕然山銘

班固

維永元元年秋七月有漢元舅曰車騎將軍竇憲寅亮聖皇
登翼王室納于大麓惟清緝熙乃與執金吾耿秉述職巡禦
治兵于朔方鷹揚之校螭虎之士爰該六師暨南單于東胡
烏桓西戎氐羌侯王君長之羣驍騎十萬元戎輕武長轂四
分雷輜蔽路萬有三千餘乘勒以八陣蒞以威神玄甲耀日

朱旗絳天遂凌高闕下雞鹿經磧鹵絕大漠斬溫禺以象鼓
血尸逐以染鍔然後四校橫徂星流彗掃蕭條萬里野無遺
寇於是域滅區殫反旆而旋考傳驗圖窮覽其山川遂踰涿
邪跨安侯乘燕然躡冒頓之區落焚老上之龍庭將上以據
高文之宿憤光祖宗之玄靈下以安固後嗣恢拓境宇振大
漢之天聲茲可謂一勞而久逸暫費而永寧也乃遂封山刊
石昭銘盛德其辭曰

鑠王師兮征荒裔勦凶虐兮截海外復其逸兮且地界封神
丘兮建隆嶠熙帝載兮振萬世

座右銘

崔瑗

無道人之短無說己之長施人慎勿念受施慎勿忘世譽不

足慕唯仁爲紀。網隱心而後動。謗議庸何傷。無使名過實。守
愚聖所臧。在涅貴不緇。曖曖內含光。柔弱生之徒。老氏誠剛。
彊行行鄙夫。志悠悠。故難量。慎言節飲食。知足勝不祥。行之
苟有恒。久久自芬芳。

劔閣銘

張載

巖巖梁山積石峩峩。遠屬荆衡。近綴岷嶓。南通邛夔。北達褒
斜。狹過彭碣。高踰嵩華。惟蜀之門。作固作鎮。是曰劔閣。壁立
千仞。窮地之險。極路之峻。世濁則逆。道清斯順。閉由往漢。開
自有晉。秦得百二。并吞諸侯。齊得十二。田生獻籌。矧茲狹隘。
土之外區。一人荷戟。萬夫越起。形勝之地。匪親勿居。昔在武
侯中流。而喜山河之固。見屈吳起。興實在德。險亦難恃。洞庭

孟門一國不祀。自古迄今。天命匪易。憑阻作昏。鮮不敗績。公
孫旣滅。劉氏銜璧。覆車之軌。無或重跡。勒銘山阿。敢告梁益。

石闕銘

陸倕

昔在舜格。文祖禹至。神宗周變。商俗湯黜。夏政雖革。命殊乎
因襲。揖讓異於干戈。而畧緯冥合。天人啓基。克明俊德。大庇
生民。其揆一也。在齊之季。昏虐君臨。威侮五行。怠棄三正。刑
酷然炭。暴踰膏柱。民怨神怒。衆叛親離。踏地無歸。瞻烏靡託。
於是。我皇帝拯之。乃操斗極。把鉤陳翼。百神禔萬福。於是龍
飛黑水。虎步西河。雷動風驅。天行地止。命旅致屯。雲之應登。
壇有降火之祥。龜筮協從。人祗響附。穿胃露頂之豪。箕坐推
警之長。莫不援旗請奮。執銳爭先。夏首憑固。庸岷負阻。協彼

離心抗茲同德帝赫斯怒秣馬訓兵嚴鼓未通凶渠泥首弘
舸連軸巨楹接艦鐵馬千羣朱旗萬里折簡而禽廬九傳檄
以下湘羅兵不血刃士無遺鏃而樊鄧威懷巴黔底定於是
流湯之黨握炭之徒守似藩籬戰同枯朽革車近次師營商
牧萃夷士女冠蓋相望扶老携幼一旦雲集壺漿塞野箠食
盈塗似夏民之附成湯殷士之窺周武安老懷少伐罪弔民
農不遷業市無易賈八方入計四隩奉圖羽檄交馳軍書狎
至一日一日非止萬機而尊嚴之度不訾於師旅淵默之容
無改於行陣計如投水思若轉規策定帷幄謀成几案曾未
浹辰獨夫授首乃焚其綺席棄彼寶衣歸琬臺之珠反諸侯
之玉指麾而四海隆平下車而天下大定拯茲塗炭救此橫

流功均天地明並日月於是仰協三靈俯從億兆受昭華之
玉納龍叙之圖類帝禋宗光有神器升中以祀羣望攝袂而
朝諸夏布教都畿班政方外謀協上策刑從中典南服緩耳
西羈反舌劔騎穿廬之國同川共穴之人莫不屈膝交臂厥
角稽顙鑿空萬里攘地千都幕南罷鄣河西無警於是治定
功成邇安遠肅忘茲鹿駭息此狼顧乃正六樂治五禮改章
程創法律置博士之職而著錄之生若雲開集雅之館而款
關之學如市興建庠序啓設郊丘一介之才必記無文之典
咸秩於是天下學士靡然向風人載廉隅家知禮讓教臻侍
子化洽期門區宇乂安方面靜息役休務簡歲阜民和歷代
規摹前王典故莫不芟夷翦截允執厥中以爲象闕之制其

來已遠春秋設舊章之教經禮垂布憲之文戴記顯游觀之
言周史書樹闕之夢北荒明月西極流精海岳黃金河庭紫
貝蒼龍玄武之制銅爵鐵鳳之工或以聽窮省寬或以布治
懸法或以表正王居或以光崇帝里晉氏浸弱宋歷威夷禮
經舊典寂寥無記鴻規盛烈湮沒罕稱乃假天闕於牛頭託
遠圖於博望有欺耳目無補憲章乃命審曲之官選明中之
士陳圭置臬瞻星按地興復表門草創華闕於是歲次天紀
月旅太簇皇帝御天下之七載也構茲盛則興此崇禮方且
趨以表敬觀而知法物觀雙碣之容人識百重之典作範垂
訓赫矣壯乎爰命下臣式銘盤石其辭曰惟帝建國正位辨
方周營洛浹漢啓岐梁居因業盛文以化光爰有象闕是惟

舊章青蓋南泊黃旗東指懸法無聞藏書弗紀大人造物龍
德休否建此百常興茲雙起偉哉偃蹇壯矣巍巍旁映重疊
上連翠微布教方顯浹日初輝懸書有附委篋知歸鬱崖重
軒穹隆反宇形聳飛棟勢超浮柱色法上圓制模下矩周望
原隰俛臨煙雨前賓四會却背九房北通二轍南湊五方暑
來寒往地久天長神哉萃觀永配無疆

新漏刻銘

陸倕

夫自天觀象昏旦之刻未分治歷明時盈縮之度無准挈壺
命氏遠哉義用揆景測辰微宮戒井守以水火分茲日夜而
司曆亡官疇人廢業孟陬殄滅攝提無紀衛宏載傳呼之節
較而未詳霍融叙分至之差詳而不密陸機之賦虛握靈珠

孫綽之銘。空擅崑玉弘度遺篇。承天垂旨。布在方冊。無彰器用。譬彼春華。同夫海棗。寧可以軌物字民。作範垂訓者乎。且今之官漏。出自會稽。積水違方。導流乖則。六日無辨。五行不分。歲躔闕茂。月次姑洗。皇帝有天下之五載也。樂遷夏諺。禮變商俗。業類補天。功均柱地。河海夷晏。風雲律呂。坐朝晏罷。每旦晨興。屬傳漏之音。聽雞人之響。以爲星火。謬中金水。違用時乖。啓閉箭異。錙銖爰命。日官草創。新器於是俯察旁羅。登臺升庫。則干地四參。以天一建武遺蠹。咸和餘舛。金筒方圓之制。飛流吐納之規。變律改經。一皆懲革。天監六年。太歲丁亥。十月丁亥朔。十六日壬寅。漏成進御。以考辰正。晷測表候。陰不謬圭。撮無乖黍。累又可以校運算之睽。合辨分天之

邪。正察四氣之盈虛。課六歷之疎密。永世貽則。傳之無窮。赫矣煥乎。無德而稱也。昔嘉量微物。盤盂小器。猶其昭德記功。載在銘典。况入神之制。與造化合符。成物之能。與坤元等契。勲倍楹席。事百中机。寧可使多謝曾水。有陋昆吾。金字不傳。銀書未勒者哉。乃詔小臣。爲其銘曰。

一暑一寒。有明有晦。神道無跡。天上罕代。乃置挈壺。是惟熙載。氣均衡石。晷正權槩。世道交喪。禮術銷亡。遽遷水火。爭倒衣裳。擊刁舛次。叢木乖方。爰究爰度。時惟我皇。方壺外次。圓流內襲。洪殺殊等。高卑異級。靈和承注。陰蟲吐喻。倏往忽來。鬼出神入。微若抽繭。逝如激電。耳不輟音。眼無留眵。銅史司刻。金徒抱箭。履薄非兢。臨深罔戰。授受靡訾。登降弗爽。唯精

唯一可法可象月不知來日無藏往分似符契至猶影響合
昏暮卷蕙英晨生尚辨天意猶測地情況我神造通幽洞靈
配皇等極爲世作程

誄類

王仲宣誄并序

曹植

建安二十二年正月二十四日戊申魏故侍中關內侯王君
卒嗚呼哀哉皇穹神察誰人是恃如何靈祇殲我吉士誰謂
不痛早世卽冥誰謂不傷華繁中零存亡分流天遂同期朝
聞夕沒先民所思何用誄德表之素旗何以贈終哀以送之
遂作誄曰荷歟侍中遠祖彌芳公高建業佐武伐商爵同齊
魯邦祀絕流裔畢萬勲績惟光晉獻賜封于魏之疆天開

之祚末胄稱王厥姓斯氏條分葉散世滋芳烈揚聲秦漢會
遭陽九炎光中燬世祖撥亂爰建時雍二台樹位履道是鍾
寵爵之加匪惠惟恭自君一祖爲光爲龍僉曰休哉宜翼漢
邦或統太尉或掌司空百揆惟敘五典克從天靜人和皇教
遐通伊君顯考奕葉佐時入管機密朝政以治出臨朔岱庶
績咸熙君以淑懿繼此洪基既有令德材技廣宣彊記洽聞
幽讚微言文若春華思若涌泉發言可詠下筆成篇何道不
洽何藝不開棋局逞巧博奕惟賢皇家不造京室隕顛宰臣
專制帝用西遷君乃羈旅離此阻艱翕然鳳舉遠窺荆蠻身
窮志達居鄙行鮮振冠南嶽濯纓清川潛處蓬室不干勢權
我公奮鉞耀威南楚荆人或違陳戎講武君乃義發算我師

旅高尚霸功。投身帝宇。斯言既發。謀夫是與。是與伊何。響我明德。投戈編郡。稽顙漢北。我公寔嘉。表揚京國。金龜紫綬。以彰勲則。勲則伊何。勞謙靡已。憂世忘家。殊略卓峙。乃著祭酒。與軍行止。算無遺策。畫無失理。我王建國。百司儻又。君以顯舉。秉機省闈。戴蟬珥貂。朱衣皓帶。入侍帷幄。出擁華蓋。榮耀當世。芳風掩藹。嗟彼東夷。憑江阻湖。騷擾邊境。勞我師徒。光光戎輅。霆駭風徂。君侍華轂。輝耀王塗。思榮懷附。望彼來威。如何不濟。運極命衰。寢疾彌留。吉往凶歸。嗚呼哀哉。翩翩孤嗣。號慟崩摧。發軔北魏。遠迄南淮。經歷山河。泣涕如頽。哀風興感。行雲徘徊。游魚失浪。歸鳥忘栖。嗚呼哀哉。吾與夫子。義貫丹青。好和琴瑟。分過友生。庶幾遐年。攜手同征。如何奄忽。

棄我夙零。感昔宴會。志各高厲。予戲夫子。金石難敵。人命靡常。吉凶異制。此驩之人。孰先隕越。何痛人子。果乃先逝。又論死生。存亡數度。予猶懷疑。求之明據。儻獨有靈。游魂泰素。我將假翼。飄飄高舉。超登景雲。要予人路。喪柩既臻。將反魏京。靈輻迴軌。白驥悲鳴。虛廓無見。藏景蔽形。孰云仲宣。不聞其聲。延首歎息。雨泣交頸。嗟乎夫子。永安幽冥。人誰不沒。達七狗名。生榮死哀。亦孔之榮。嗚呼哀哉。

楊荊州誄并序

潘岳

維咸寧元年夏四月乙丑。晉故折衝將軍荊州刺史東武戴侯榮陽楊使君薨。嗚呼哀哉。夫天子建國。諸侯立家。選賢與能。政是以和。周賴尚父。殷憑太阿。矯矯揚侯。晉之爪牙。忠節

文選正文卷之十一
克明茂績惟嘉將宏王畧肅清荒遐降年不永玄首未華銜
恨沒世命也奈何嗚呼哀哉自古在昔有生必死身沒名垂
先哲所題行以號彰德以述美敢託旒旗爰作斯誄其辭曰
邈矣遠祖系自有周昭穆繁昌枝庶分流族始伯喬氏出楊
侯奕世丕顯允迪大猷天厭漢德龍戰未分伊君祖考方事
之殷鳥則擇木臣亦簡君投心外朝策名委身奮躍淵塗跨
騰風雲或統驍騎或據領軍篤生戴侯茂德繼期纂戎洪緒
克構堂基弱冠味道無競惟時孝實蒸蒸友亦怡怡多才豐
藝彊記洽聞目睇毫末心算無垠卓隸兼善尺牘必珍足不
輟行手不釋文翰動若飛紙落如雲學優則仕乃從王政散
璞發輝臨輒作令化行邑里惠洽百姓越登司官肅我朝命

惟此大選國之憲章君蒞其任視民如傷庶獄明慎刑辟端
詳聽參臯凶稱竹下張改授農政于彼野王倉盈庾億國富
兵彊煌煌文后鴻漸晉室君以兼資參戎作朝用錫上宇膺
茲顯秩青社白茅亦朱其紱魏氏順天聖皇受終烈烈揚侯
實統禁戎司管閭闔清我帝宮苛慝不作穆如和風謂督勳
勞班命彌崇茫茫海岱玄化未周滔滔江漢疆場分流秉文
兼武時惟揚侯既守東莞乃牧荊州折衝萬里對揚王休聞
善若驚疾惡如讐示威示威以伐以柔吳夷凶侈僞師畏逼
將乘讐釁席卷南極繼襄糧盡神謀不忒君子之過引曲推
直如彼日月有時則食負執其咎功讓其力亦既旋旆爲法
受黜退守丘塋杜門不出游日典墳縱心儒術祗祗楮紳升

堂入室靡事不咨無疑不質位貶道行身窮志逸弗慮弗圖
乃寢乃疾昊天不弔景命其卒嗚呼哀哉了囊佐楚遺言城
鄧史魚諫衛以尸顯政伊君臨終不忘忠敬寢伏牀蓐念在
朝廷朝達厥辭夕隕其命聖王嗟悼寵贈衾綖誄德策勳考
終定謚羣辟慟懷邦族揮淚孤嗣在疚寮屬含悴赴者同哀
路人增歎嗚呼哀哉余以頑蔽覆露重陰仰追先考執友之
心俯感知已識達之深承諱切怛涕淚霑襟豈忘載奔憂病
是沈在疾不省於亡不臨舉聲增慟哀有餘音嗚呼哀哉

楊仲武誄

并序

潘岳

楊經字仲武滎陽宛陵人也中領軍肅侯之曾孫荊州刺史
戴侯之孫東武康侯之子也八歲喪父其母鄭氏光祿勳密

陵成侯之元女操行其高恤養幼孤以保又夫家而免諸艱
難戴侯康侯多所論著又善草隸之藝子以妙年之秀固能
綜覽義旨而軌式模範矣雖舅氏隆盛而孤貧守約心安陋
巷體服菲薄余甚奇之若乃清才儁茂盛德日新吾見其進
未見其已也既籍三葉世親之恩而子之姑余之仇儼焉往
歲卒於德宮里喪服周次綱繆累月苟人必有心此亦款誠
之至也不幸短命春秋二十九元康九年夏五月己亥卒嗚
呼哀哉乃作誄曰
伊子之先奕葉熙隆惟祖惟曾載揚休風顯考康侯無祿早
終名器雖光勳業未融篤生吾子誕茂淑姿克岐克嶷知章
知微鉤深探蹟味道研幾匪直也人邦家之輝了之邁閔曾

未齒髻如彼危根當此衝。德之休明靡幽不喬。弱冠流芳
儻聲清劬爾舅。惟榮爾宗惟粹。幼秉殊操。違豐安置。撰錄先
訓。俾無隕墜。舊文新藝。罔不必肄。潘楊之穆。有自來矣。矧乃
今日。慎終如始。爾休爾戚。如實在已。視予猶父。不得猶子。敬
亦既篤。愛亦既深。雖殊其年。實同厥心。日昃景西。望子朝陰。
如何短折。背世湮沈。嗚呼哀哉。寢疾彌留。守茲孝友。臨命忘
身。顧戀慈母。哀哀慈母。痛心疾首。嗷嗷同生。悽悽諸舅。春蘭
擢莖。方茂其華。荆寶挺璞。將剖于和。含芳委耀。毀壁摧柯。嗚
呼仲武。痛哉奈何。德宮之艱。同次外寢。惟我與爾。對筵接枕。
自時迄今。曾未盈稔。姑姪繼隕。何痛斯甚。嗚呼哀哉。披帙散
書。屢觀遺文。有造有寫。或草或真。執玩周復。想見其人。紙勞

于涕霑于巾。龜筮既襲。誕隧既開。痛矣楊子。與世長乖。朝
濟洛川。夕次山隈。歸鳥頰頰。行雲徘徊。臨穴永訣。撫櫬盡哀。
遺形莫紹。增慟余懷。魂兮往矣。梁木實摧。嗚呼哀哉。

夏侯常侍誄

潘岳

夏侯湛字孝若。譙國譙人也。少知名。弱冠辟太尉府掾。賢良
方正。徵爲太子舍人尚書郎。野王令。中書郎。南陽相。家艱。乞
還頃之。選爲太子僕。未就命。而世祖崩。天子以爲散騎常侍。
從班列也。春秋四十有九。元康元年夏五月壬辰。寢疾卒于
延喜里第。嗚呼哀哉。乃作誄曰。

禹錫玄珪。實曰文命。克明克聖。光啓夏政。其在于漢。邁勳惟
嬰。思弘儒業。小大雙名。顯祖耀德。牧兗及荆。父守淮岱。治亦

有聲。英英夫子灼灼其雋。飛辯摘藻華繁。玉振如彼。隋和發
彩流潤。如彼錦績。列素點絢。人見其表。莫測其裏。徒謂吾生
文勝。則史心照神交。唯我與子。且歷少長。逮觀終始。子之承
親孝齊。閔參子之友。愉和如瑟。事君直道。與朋信心。雖實
唱高。猶賞爾音。羽冠厲翼。羽儀初升。公弓旣招。皇輿乃徵。內
贊兩宮。外宰黎蒸。忠節允著。清風載興。決彼樂都。寵于惟王。
設宮建輔。妙簡邦良。用取喉舌。相爾南陽。惠訓不倦。視人如
傷。乃眷北顧。辭祿延喜。余亦偃息。無事明時。疇昔之游。紀
于茲。斑白攜手。何歡如之。居吾語女。衆實勝寡。人惡儁異。俗
疵文雅。執戟疲揚。長沙投賈。無謂爾高。恥居物下。子乃洗然
變色。易容慨然。歎曰。道固不同。爲仁由已。匪我求蒙。誰毀誰

譽。何去何從。莫混匪緇。莫磨匪磷。子獨正色。居屈志申。雖不
爾以。猶致其身。獻替盡規。媚茲一人。讜言忠謀。世祖是嘉。將
僕儲皇。奉轡承華。先朝末命。聖列顯加。入侍帝闈。出光厥家。
我聞積善。神降之吉。宜享遐紀。長保天秩。如何斯人。而有斯
疾。曾未知命。中年隕卒。嗚呼哀哉。惟爾之存。匪爵而貴。其食
美服。重珍兼味。臨終遺誓。永錫爾類。歛以時襲。殯不簡器。誰
能拔俗。生盡其養。孰是養生。而薄其葬。淵哉若人。縱心條暢。
傑操明達。困而彌亮。樞輅旣祖。容體長歸。存亡永訣。逝者不
追。望子舊車。覽爾遺衣。悞抑失聲。迸涕交揮。非子爲慟。吾慟
爲誰。嗚呼哀哉。日往月來。暑退寒襲。零露霑凝。勁風淒急。慘
爾其傷。念我良執。適子素館。撫孤相泣。前思未弭。後感仍集。

積悲滿懷逝矣安及嗚呼哀哉

馬汧督誄并序

潘岳

惟元康七年秋九月十五日晉故督守關中侯扶風馬君卒
嗚呼哀哉初雍部之內屬羗反未弭而編戶之氏又肆逆焉
雖王旅致討終於殄滅而蜂蠆有毒驟失小利俾百姓流亡
頻於塗炭建威喪元於好時州伯宵遯乎大谿若夫偏師裨
將之隕首覆軍者蓋以十數剖符專城紆青拖墨之司奔走
失其守者相望於境秦隴之僭輩更爲魁旣已襲汧而館其
縣子以眇爾之身介乎重圍之裏率寡弱之衆據十雉之城
羣氏如蝟毛而起四面雨射城中城中鑿穴而處負戶而汲
木石將盡樵蘇乏竭芻蕘罄絕於是乎發梁棟而用之芻以

鐵鑊機關旣縱礮而又升焉爨陳焦之麥栝栢桷之松用能
薪芻不匱人畜取給青煙傍起歷馬長鳴凶醜駭而疑懼乃
闕地而攻子命穴浚塹寘壺鋪旒旒以偵之將穿城響作因
焚積火薰之潛氏殲焉久之安西之救至竟免虎口之厄全
數百萬石之積文契書於幕府聖朝疇咨進以顯秩殊以曠
蓋之制而州之有司乃以私隸數口穀數十斛考訊吏兵以
檟楚之辭連之大將軍屢抗其疏曰敦固守孤城獨當羣寇
以少禦衆載離寒暑臨危奮節保穀全城而雍州從事忌敦
勲效推極小疵非所以褒獎元功宜解敦禁劾假授詔書遽
許而子固已下獄發憤而卒也朝廷聞而傷之策書曰皇帝
咨故督守關中侯馬敦忠勇果毅率勵有方固守孤城危逼

獲濟寵秩未加不幸喪亡朕用悼焉命追贈牙門將軍印綬
祠以少牢魂而有靈嘉茲寵榮然繫士之間穢其庸致思乎
若乃下吏之肆其禁害則皆妬之徒也嗟乎妬之欺善抑亦
賢首之讐也語曰或戒其子慎無爲善言固可以若是悲夫
昔乘丘之戰縣賁父御魯莊公馬驚敗績賁父曰他日未嘗
敗績而今敗績是無勇也遂死之閩人浴馬有流矢在白肉
公曰非其罪也乃誅之漢明帝時有司馬叔持者白日於都
市手劔父讐視死如歸亦命史臣班固而爲之誄然則忠孝
義烈之流慷慨非命而死者綴辭之士未之或遺也天子旣
已策而贈之微臣託乎舊史之末敢闕其文哉乃作誄曰知
人未易人未易知嗟茲馬生位未名卑西戎猾夏乃奮其奇

保此汧城救我邊危彼邊奚危城小粟富子以眇身而裁其
守兵無加衛墉不增築焚焚羣狄豺虎競逐輦更恣睢潛跣
官寺齊萬墟闕震驚台司聲勢沸騰種落煽熾旌旗電舒戈
矛林植彤珠星流飛矢雨集脩脩士女號天以泣爨麥而炊
負戶以汲累卵之危倒懸之急馬生爰發在險彌克精貫白
日猛烈秋霜稜威可厲懦夫克壯霽恩撫循寒士挾纊蠡蠹
犬羊阻衆陵寡潛隧密攻九地之下愜愜窮城氣若無假昔
命懸天今也惟馬惟此馬生才博智瞻偵以瓶壺可以長漣
鋪未見烽火以起烟薰尸滿窟陪穴以斂木石置竭其桿空
虛矚然馬生傲若有餘刃梁爲礮柝松爲芻守不乏械捱有
鳴駒哀哀建威身伏斧質悠悠烈將覆軍喪器戎釋我徒顯

誅我師以生易死疇克不二聖朝西顧關右震惶分我汧庾
化爲寇糧實賴夫子思暮彌長咸使有勇致命知方我雖未
學聞之前典十世宥能表墓旌善思人愛樹甘棠勿翦矧乃
吾子功深疑淺兩造未具儲隸蓋豈孰是勲庸而不獲免猶
哉部司其心反側斷善害能醜正惡直牧人逶迤自公退食
聞穢鷹揚會不戢翼忘爾大勞猜爾小利苟莫開懷下何不
至慨慨馬生碾碾高致發憤困圍沒而猶眠嗚呼哀哉安平
出奇破齊克完張孟運籌危趙獲安汧人賴子猶彼談單如
何吝嫉搖之筆端傾倉可賞矧云私粟狄隸可頌况曰家僕
剔子雙龜貫以三木功存汧城身死汧獄凡爾同圍心焉摧
割扶老攜幼街號巷哭嗚呼哀哉明明天子旌以殊恩光光
寵贈乃牙其門司勲班爵亦兆後昆死而有靈庶慰冤魂嗚
呼哀哉

陽給事誄并序

顏延之

惟永初三年十一月十一日宋故寧遠司馬濮陽太守彭城
陽君卒嗚呼哀哉瓚少稟志節資性忠果奉上以誠率下有
方朝嘉其能故授以邊事永初之末佐守滑臺值國禍薦臻
王略中否獯虜間釁剝剝司寇幽并騎駑屯逼鞏洛列營綠
戍相望屠潰瓚奮其猛銳志不違難立乎將率之間以緝華
裔之衆罷困相保堅守四旬上下力屈受陷勅寇士師奔擾
棄軍爭免而瓚誓命沈城佻身飛鏃兵盡器竭斃于旗下非
夫貞壯之氣勇烈之志豈能臨敵引義以死狗節者哉景平

之元朝廷聞而傷之。有詔曰：故寧遠司馬濮陽太守陽瓚滑臺之逼，厲城固守，投命殉節，在危無撓。古之烈士，無以加之。可贈給事中，振卹遺孤，以慰存亡。追寵旣彰，人知慕節。河汴之間，有義風矣。逮元嘉廓祚，聖神紀物，光照茂緒，旌錄舊勲。苟有槩於貞孝者，實事感於仁明。末臣蒙固側聞，至訓敢詢。諸前典而爲之誄，其辭曰：

貞不常祐，義有必甄。處父勤君，怨在登賢。苦夷致果，題子行間。忠壯之烈，宜自爾先。舊勲雖廢，邑氏遂傳。惟邑及氏，自溫徂陽。狐續旣降，晉族弗昌。昌之子之生，立績宋皇。拳猛沈毅，溫敏肅良。如彼竹柏，負雪懷霜。如彼駢駟，配服駉衡。邊兵喪律，王略未恢。由陝堙阻，瀝洛蒿萊。朔馬東驚，胡風南埃。路無歸

轉野有委骸，帝圖斯艱。簡兵授才，寔命陽子。佐師危臺，憬彼危臺。在滑之坻，周衛是交。鄭翟是爭，昔惟華國。今實邊亭，憑巘結關。負河縈城，金柝夜擊。和門晝扃，料敵厭難。時惟陽生，涼冬氣勁。塞外草衰，邊矣獯虜。乘障犯威，鳴驥橫厲。霜鏑高聳，軼我河縣。俘我洛畿，攢鋒成林。投鞍爲圍，翳翳窮壘。嗷嗷羣悲，師老變形。地孤援闕，卒無半菽。馬實拊秣，守未焚衝。攻已濡褐，烈烈陽子。在困彌達，勉慰痍傷。拊巡饑渴，力雖可窮。氣不可奪，義立邊疆。身終鋒枯，嗚呼哀哉。貴父隕節，魯人是志。汧督效貞，晉策攸記。皇上嘉悼，思存寵異。于以贈之，言登給事。疏爵紀庸，恤孤表嗣。嗟爾義士，沒有餘喜。嗚呼哀哉。

陶徵士誄并序

顏延之

夫璿玉致美不爲池隍之寶。桂椒信芳而非園林之實。豈期深而好遠哉。蓋云殊性而已。故無足而至者。物之藉也。隨踵而立者。人之薄也。若乃巢高之抗行。夷皓之峻節。故已父老。堯禹錙銖。周漢而綿世。浸遠光靈。不屬至使菁華隱沒。芳流歇絕。不其惜乎。雖今之作者。人自爲量。而首路同塵。輟塗殊軌者多矣。豈所以昭末景。泛餘波。有晉徵士尋陽陶淵明。南岳之幽居者也。弱不好弄。長實素心。學非稱師。文取指達。在衆不失其寡處。言逾見其默。少而貧病。居無僕妾。井臼弗任。藜藿不給。母老子幼。就養勤匱。遠惟田生致親之議。追悟毛子捧檄之懷。初辭州府三命。後爲彭澤令。道不偶物。棄官從好。遂乃解體。世紛結志。區外定跡。深棲於是乎。遠灌畦鬻蔬。爲供魚菽之祭。織絢緯蕭以充糧粒之費。心好異書。性樂酒德。簡棄煩促。成就成省。曠殆所謂國爵屏貴。家人忘貧者歟。有詔徵著作郎。稱疾不到。春秋若干元嘉四年月日。卒于尋陽縣之某里。近識悲悼。遠士傷情。冥默福應。嗚呼淑貞夫。實以誄華名。由謚高苟。允德義貴賤何算焉。若其寬樂令終之美。好廉克已之操。有合謚典。無愆前志。故詢諸友好。宜謚曰靖節徵士。其辭曰。

物尚特生。人固介立。豈伊時邁。曷云世及。嗟乎若士。望古遙集。韜此洪族。蔑彼名級。睦親之行。至自非敦。然諾之信。重於布言。廉深簡潔。貞夷粹溫。和而能峻。博而不繁。依世尚同。詭時則異。有一於此。兩非默置。豈若夫子。因心違事。畏榮好古。

薄身厚志世靈虛禮州壤推風孝惟義養道必懷邦人之秉
彝不隘不恭爵同下士祿等上農度量難鈞進退可限長卿
棄官雜賓自免子之悟之何悟之辨賦詩歸來高蹈獨善亦
既超曠無適非心汲流舊巖葺宇家林晨煙暮靄春煦秋陰
陳書輟卷置酒絃琴居備勤儉躬兼貧病人否其憂子然其
命隱約就閑遷延辭聘非直也明是惟道性糾纏幹流冥漠
報施孰云與仁實疑明智謂天蓋高胡崇斯義履信曷憑思
順何冥年在中身疾維疴疾視死如歸臨凶若吉藥劑弗嘗
禱祀非恤僚幽告終懷和長畢嗚呼哀哉敬述靖節式會遺
占存不願豐沒無求贍省計却賻輕哀薄斂遭壤以穿旋葬
而窆嗚呼哀哉深心追往遠情逐化自爾介居及我多暇伊
好之洽接閭隣舍宵盤畫懋非舟非駕念昔宴私舉觴相誨
獨正者危至方則閱哲人卷舒布在前載取鑒不遠吾規子
佩爾實愀然中言而發違衆速尤迕風先歷身才非實榮聲
有歇叡音永矣誰箴余闕嗚呼哀哉仁焉而終智焉而斃黔
婁旣沒展禽亦逝其在先生同塵往世旌此靖節加彼康惠
嗚呼哀哉

宋孝武宣貴妃誄

并序

謝莊

惟大明六年夏四月壬子宣貴妃薨律谷罷煖龍鄉輟曉照
車去魏連城辭趙皇帝痛掖殿之旣闋悼泉途之已宮巡步
檐而臨蕙路集重陽而望椒風嗚呼哀哉天寵方隆玉姬下
姻肅雍換景陟此爰臻國軫喪淑之傷家疑實庇之怨敢撰

德於旂旒庶圖芳於鐘萬其辭曰

玄丘煙燭瑤臺降芬高唐滌雨巫山鬱雲誕發蘭儀光啓玉
慶望月方娥瞻星比婺毓德素里棲景宸軒處麗絺絺出懸
蘋蘩修詩賁道稱圖照言翼訓奴幄贊軌堯門網繆史館容
與經闡陳風緝藻臨彖分微游藝輝數撫律窮機躊躇冬愛
怛悵秋暉展如之華寔邦之媛敬懃顯陽肅恭崇憲奉榮維
約承慈以遂逮下延和臨朋違怨祚靈集祉慶藹迎祥皇胤
璿式帝女金相聯跗齊頡接萼均芳以藩以牧燭代揮梁視
朔書氣觀臺告侵八頌尙和六祈輟滲衡總滅容翬翟毀社
掩綵瑤光收華紫禁嗚呼哀哉惟軒夕改輶輅晨遷離宮天
邃別殿雲懸靈衣虛襲組帳空煙巾見餘軸匣有遺絃嗚呼

哀哉移氣朔兮變羅純白露凝兮歲將闌庭樹驚兮中帷響
金釭暖兮玉座寒純孝擬其俱毀共氣摧其同樂仰昊天
之莫報怨凱風之徒攀茫昧與善寂寥餘慶喪過于哀棘實滅
性世覆冲華國虛淵令嗚呼哀哉題湊既肅龜策既辰階撤
兩奠庭引雙輶維慕維愛日子曰身慟皇情於容物崩列辟
於上旻崇徽章而出寰甸照殊策而去城闕嗚呼哀哉經建
春而右轉循閭闔而逕渡旌委鬱於飛飛龍逶遲於步步銷
楚挽於槐風喝邊簫於松霧涉姑繇而環迴望樂池而顧慕
嗚呼哀哉晨輶解鳳曉蓋俄金山庭寢日隧路抽陰重扇闕
兮燈已黯中泉寂兮此夜深銷神躬于壤未散靈臆於天濤
響乘氣兮蘭馭風德有遠兮聲無窮嗚呼哀哉

哀類

哀永逝文

潘岳

啓夕兮宵興悲絕緒兮莫承俄龍輻兮門側嗟俟時兮將升
 嫂姪兮悼惶慈姑兮垂矜聞鳴雞兮戒朝咸驚號兮撫膺逝
 日長兮生年淺憂患衆兮歡樂尠彼迺思兮離居歎河廣兮
 宋遠兮奈何兮一舉邈終天兮不反盡余哀兮祖之晨揚明
 燎兮援靈輜撤房帷兮席庭筵舉酌觴兮告永遷悽切兮增
 歎俯仰兮揮淚想孤魂兮眷舊宇視倏忽兮若髮鬢徒髮鬢
 兮在慮靡耳目兮一遇停駕兮淹留徘徊兮故處周求兮何
 獲引身兮當去去華輦兮初邁馬廻首兮旋旆風泠泠兮入
 帷雲霏霏兮承蓋鳥倦翼兮忘林魚仰沫兮失瀨悵悵兮遲
 遲遵吉路兮凶歸思其人兮已滅覽餘跡兮未夷昔同途兮
 今異世憶舊歡兮增新悲謂原隰兮無畔謂川流兮無岸望
 山兮寥廓臨水兮浩汗視天日兮蒼茫面邑里兮蕭散阡外
 物兮或改固歎哀兮情換嗟潛隧兮既敞將送形兮長往委
 蘭房兮繁華襲窮泉兮朽壤中慕叶兮擗標之子降兮宅兆
 撫靈輓兮訣幽房棺實實兮埏窆窆戶闔兮燈滅夜何時兮
 復曉歸反哭兮殯宮聲有止兮哀無終是乎非乎何進起一
 遇今日中既遇日兮無光曾寤寐兮弗夢既顧瞻兮家道長
 寄心兮爾躬重日已矣此蓋新哀之情然耳槩懷之其幾何
 庶無愧兮莊子

宋文皇帝元皇后哀策文

并序

顏延之

惟元嘉十七年七月二十六日大行皇后崩于顯陽殿。粵九月二十七日將遷座于長寧陵禮也。龍輿纏紵。容翟結駟。皇塗昭列。神路幽嚴。皇帝親臨。祖饋躬瞻。宵載飾遺儀於組旒。淪徂音乎玗珮。悲黼筵之移御。瘞羣祿之重晦。降輿各位。撤奠殯階。乃命史臣累德述懷。其辭曰。

倫招儷升。有物有憑。圓精初燦。方祗始凝。昭哉世族。祥發慶膺。祕儀景胄。圖光玉繩。昌輝在陰。柔明將進。率禮蹈和。稱詩納順。爰自待年。金聲夙振。亦既有行。素章增絢。象服是加。言觀維則。俾我王風。始基嬪德。惠問川流。芳猷淵塞。方江泳漢。載謠南國。伊昔不造。鴻化中微。用集寶命。仰陟天機。釋位公宮。登曜紫闈。欽若皇姑。允迪前徽。孝達寧親。敬行宗祀。進思

才淑傍綜。圖史發音。在詠動容。成紀壺政。穆宣房樂。韶理坤則。順成星軒。潤飾德之所屆。惟深必測。下節震騰。上清眺側。有來斯雍。無思不極。謂道輔仁。司化莫晰。象物方臻。賦祲告診。太和既融。收華委世。蘭殿長陰。椒塗弛衛。嗚呼哀哉。戒涼在肆。杪秋卽交。霜夜流唱。曉月升魄。八神警引。五輅遷跡。噉噉儲嗣。哀哀列辟。灑零玉屏。雨泗丹掖。撫存悼亡。感今懷昔。嗚呼哀哉。南背國門。北首山園。僕人按節。服馬顧轅。遙酸紫蓋。眇泣素軒。滅綵清都。夷體壽原。邑野淪藹。戎夏悲謹。來芳可述。往駕弗援。嗚呼哀哉。

齊敬皇后哀策文并序

謝朓

惟永泰元年秋九月朔日。敬皇后梓宮啓。自先塋將祔于基。

陵其日至尊親奉奠其皇帝乃使兼太尉某設祖於行宮禮也翠帟舒阜玄堂啓扉俎撤三獻筵卷六衣哀子嗣皇帝懷履衛而延首想鷲輅而撫心痛椒塗之先廓哀長信之莫臨身隔兩赴時無一展旋詔左言光敷聖善其辭曰帝唐遠旨御龍遙緒在秦作劉在漢開楚肇惟淑聖克柔克令清漢表靈曾沙膺慶爰定厥祥徽音允穆光華沼沚榮耀中谷敬始紘緹教先種稷睿問川流神襟蘭郁先德翬光君道方被于佐求賢所謁無諛顧史弘式陳詩展義厚下曰仁藏社伊智十亂斯俟四教因武思媚諸姑貽我嬪則化自公宮遠被南國軒輶懷光素舒佇德閔予不祐慈訓早違方年冲藐懷袖靡依家臻寶業身嗣昌輝壽宮寂遠清廟虛歸嗚呼哀哉帝選明命民神胥悅乾景外臨陰儀內缺空悲故劍徒嗟金穴璋瓚奚獻禕禴罔設嗚呼哀哉馮相告稷宸駕長往貽厥遠圖末命是獎懷豐沛之綢繆兮背神京之弘敞陋蒼梧之不從兮遵鮒隅以何壤嗚呼哀哉陳象設於園寢兮映輿鏤於松楸望承明而不入兮度清洛而南游繼池綽於通軌兮接龍帷於造舟迴塘寂止已暮兮東川澹而不流嗚呼哀哉藉闕宮之遠烈兮聞續女之遐慶始協德於蘋蘩兮終配祀而表命慕方纒於賜衣兮哀日隆於撫鏡思寒泉之罔極兮託彤管於遺詠嗚呼哀哉

碑文類

郭有道碑文 并序

蔡邕

先生諱泰字林宗人原界休人也其先出自有周王季之穆
有號叔者寔有懿德文王各焉建國命氏或謂之郭卽其後
也先生誕應天衷聰睿明哲孝友溫恭仁篤慈惠夫其器量
弘深姿度廣大浩浩焉汪汪焉奧乎不可測已若乃砥節厲
行直道正辭貞固足以幹事隱括足以矯時遂考覽六經探
綜圖緯周流華夏隨集帝學收文武之將墜拯微言之未絕
于時縲紲之徒紳珮之士望形表而影附聆新聲而響和者
猶百川之歸巨海鱗介之宗龜龍也爾乃潛隱衡門收朋勤
誦童蒙賴焉用祗其蔽州郡聞德虛已備禮莫之能致羣公
休之遂辟司徒掾又舉有道皆以疾辭將蹈鴻涯之遐跡紹
巢許之絕軌翔區外以舒翼超天衢以高峙稟命不融享年

四十有二以建寧二年正月乙亥卒凡我四方同好之人永
懷哀悼靡所寘念乃相與惟先生之德以謀不朽之事僉以
爲先民既沒而德音猶存者亦賴之於見述也今其如何而
闕斯禮於是樹碑表墓昭銘景行俾芳烈奮于百世今聞顯
於無窮其辭曰於休先生明德通玄純懿淑靈受之自天崇
壯幽浚如山如淵禮樂是悅詩書是敦匪惟樵華乃尋厥根
宮牆重仞允得其門懿乎其純確乎其操洋洋搢紳言觀其
高樓遲泌丘善誘能教赫赫二事幾行其招委辭召貢保此
清妙降年不永民斯悲悼爰勒茲銘摘其光耀嗟爾來世是
則是效

陳太丘碑文 并序

蔡邕

先生諱寔字仲弓潁川許人也。含元精之和。應期運之數。兼資九德。總脩百行。於鄉黨則恂恂焉。彬彬焉。善誘善導。仁而愛人。使夫少長咸安懷之。其爲道也。用行舍藏。進退可度。不微託以干時。不遷怒以臨下。四爲郡功曹。五辟豫州。六辟二府。再辟大將軍。宰聞喜。牛歲太丘一年。德務中庸。教敦不肅。政以禮成。化行有謚。會遭黨事。禁錮二十年。樂天知命。潛然自逸。交不諂上。愛不瀆下。見機而作。不俟終日。及文書赦宥。時年已七十。遂隱丘山。懸車告老。四門備禮。閑心靜居。大將軍何公司徒袁公前後招辟。使人曉喻云。欲特表便可入踐常伯。超補三事。紆佩金紫。光國垂勳。先生曰。絕望已久。飾巾待期而已。皆遂不至。弘農楊公東海陳公。每在袞職。羣寮賀之。皆舉手曰。潁川郡陳君。絕世超倫。大位未躋。慙於文仲。竊位之負。故時人高其德。重乎公相之位也。年八十有三。中平三年八月丙午。遭疾而終。臨沒。顧命置葬所。卒時。服素棺。槨財。周櫬。喪事唯約。用過乎儉。羣公百寮。莫不咨嗟。巖藪知名。失聲揮涕。大將軍弔祠。錫以嘉謚。曰徵士陳君。稟岳瀆之精。苞靈曜之純。天不慈遺。老俾屏我王。梁崩香萎。于時靡憲。膺紳儒林。論德謀謚。曰文範先生。傳曰。郁郁乎文哉。書曰。洪範九疇。羣倫攸敘。文爲德表。範爲士則。存誨沒號。不亦宜乎。三公遣令史祭。以中牟刺史敬弔。太守南陽曹府君命官作誄曰。赫矣陳君。命世是生。含光醇德。爲士作程。資始旣正。守終又令。奉禮終沒。休矣清聲。遣官屬掾吏。前後赴會。刊石作

文選山文 卷之十一 二十八

銘府丞與北縣會葬。荀慈明韓元長等五百餘人。總麻設位。哀以送之。遠近會葬。千人已上。河南尹种府君臨郡。追歎功德。述錄高行。以爲遠近鮮能及之。重部大掾以成時銘。斯可謂存榮沒哀。死而不朽者已。乃作銘曰。峩峩崇嶽。吐符降神。於皇先生。抱寶懷珍。如何昊穹。既喪斯文。微言圯絕。來者曷聞。交交黃鳥。爰集于棘。命不可贖。哀何有極。

褚淵碑文

并序

王儉

夫太上有立德。其次有立功。此之謂不朽。所以子產云。亡宣尼泣其遺愛。隨武既沒。趙文懷其餘風。於文簡公見之矣。公諱淵。字彥回。河南陽翟人也。徵子以至仁。開基宋段。以功高命氏。爰逮兩漢。儒雅繼及。魏晉以降。奕世重暉。乃祖太傅元

穆公德合當時。行比州壤。深識臧否。不以毀譽形言。亮采王室。每懷冲虛之道。可謂婉而成章。志而晦者矣。自茲厥後。無替前規。建官惟賢。軒冕相襲。公稟川嶽之靈。暉含珪璋。而挺曜和順。內凝英華。外發神茂。初學業隆弱冠。是以仁經義緯。敦穆於閭庭。金聲玉振。寥亮於區宇。孝敬淳深。率由斯至。盡歡朝夕。人無間言。逍遙乎文雅之圃。翱翔乎禮樂之場。風儀與秋月齊明。音徽與春雲等潤。韻宇弘深。喜慍莫見。其際心明。通亮用人。言必猶於已。汪汪焉洋洋焉。可謂澄之不清。撓之不濁。袁陽源才氣高奇。綜覈精裁。宋文帝端明臨朝。鑒賞無昧。袁旣延譽於遐邇。文亦定婚於皇家。選尚餘姚公主。拜駙馬都尉。漢結叔高晉姻。武子方斯。蔑如也。釋褐著作佐郎。

轉太子舍人濯纓登朝冠冕當世升降兩宮實惟時寶具瞻
之範既著台衡之望斯集出參太宰軍事入爲太子洗馬俄
遷祕書丞贊道槐庭司文天閣光昭諸侯風流籍甚以父憂
去職喪過乎哀幾將毀滅有識留感行路傷情服闋除中書
侍郎王言如絲其出如綸恪居官次智效惟穆于時新安王
寵冠列蕃越敷邦教毗佐之選妙盡國華出爲司徒右長史
轉尚書吏部郎執銓以平御煩以簡裴楷清通王戎簡要復
存於茲泰始之初入爲侍中曾不移朔遷吏部尚書是時天
步初夷王途尚阻元戎啓行衣冠未緝內贊謀謨外康流品
制勝既遠涇渭斯明賞不失勞舉無失德績簡帝心聲敷物
聽事寧領太子右衛率固讓不拜尋領驍騎將軍以帷幄之

功膺庸祇之秩封雲都縣開國伯食邑五百戶既秉辭梁之
分又懷寢丘之志所受田邑不盈百井久之重爲侍中領右
衛將軍盡規獻替均山甫之庸緝熙王旅兼方叔之望丹陽
京輔遠近攸則吳興襟帶實惟股肱頻作三守並加蟬冕政
以禮成民是以息明皇不豫儲后幼冲貽厥之寄允屬時望
後爲吏部尚書領衛尉固讓不拜改授尚書右僕射端流平
衡外寬內直弘二八之高譽宣由庚而垂詠太宗卽世遺命
以公爲散騎常侍中書令護軍將軍送往事居忠貞允亮秉
國之均四方是維百官象物而動軍政不戒而備公之登泰
階而尹天下君子以爲美談亦猶孟軻致欣於樂正羊職悅
賞於伯者也丁所生母憂謝職毀疾之重因心則至朝議

以有爲爲之。魯侯垂式存公忘私。力進明准。爰降詔書。敦還攝任。固請移歲表。奏相。事不我與。屈已弘化。屬值三季。在辰。威藩內侮。桂陽失圖。窺竊神器。鼓棹則滄波振蕩。建旗則日月蔽虧。出江派而風翔。入京師而雷動。鳴控絃於宗稷。流鋒鏃於象魏。雖英宰臨戎。元渠時殄。而餘黨寔繁。宮廟憂逼。公乃總熊羆之士。率不貳心之臣。戮力盡規。克寧禍亂。康國難於綴旒。拯王維於已墜。誠由太祖之威風。抑亦仁公之翼佐。可謂德刑詳禮。義信戰之器也。以靜難之功。進爵爲侯。兼授尚書令。中軍將軍。給班劍二十人。功成弗有。固秉撝挹。改授侍中。中書監。護軍如故。又以居母艱。去官。雖事緣義感。而情均天屬。顏丁之合禮。二連之善喪。亦曷以踰天厭。宋德水

運告謝嗣主荒怠於天位。彊臣憑陵於荆楚。廢昏繼統之功。龕亂寧民之德。公實仰贊宏規。參開神算。雖無受版出車之庸。亦有甘寢秉羽之績。乃作司空。山川攸序。兼授衛軍。戎政輯睦。旣而齊德龍興。順皇高禪。浚達先天之運。匡贊奉時之業。弼諧允正。徽猷弘遠。樹之風聲。著之話言。亦猶稷契之臣。虞夏荀裴之奉。魏晉自非坦懷至公。永監崇替。孰能光輔五君。黃亮二代者哉。大啓南康。爰登中鉉。時膺土宇。固辭邦教。今之尚書令。古之冢宰。雖秩輕於衮司。而任隆於百辟。暨遂冲旨。改授朝端。邇無異言。遠無異望。帝嘉茂庸。重申前冊。執五禮以止民簡。入刑而罕用。故能騁績康衢。延慈哲后。義在資敬。情同布衣。出陪鑿躡。入奉帷殿。仰南風之高詠。餐東野

之祕寶。雅議於聽政之晨。披文於宴私之夕。參以酒德。間以琴心。暖有餘暉。遙然留想。君垂冬日之溫。臣盡秋霜之戒。肅焉穆焉。於是見君親之同致。知在三之如一。太祖升遐。綢繆遺寄。以待中司徒。錄尚書事。稟玉几之顧。奉綬衣之禮。擇皇齊之令典。致聲化於雍熙。內平外成。實昭舊職。增給班劍三十人。物有其容。徽章斯允。位尊而禮卑。居高而思降。自夏徂秋。以疾陳退。朝廷重違謙光之旨。用申超世之尚。改授司空。領驃騎大將軍。侍中。錄尚書如故。景命不永。大漸彌留。建元四年八月二十一日薨於私第。春秋四十有八。昔柳莊疾棘衛君。當祭而輟禮。晏嬰既往。齊君趨車而行。哭公之云。云聖朝震悼於上。羣后恆慟於下。豈惟哀纏一國。痛深一主。

而已哉。追贈太宰。侍中。錄尚書如故。給節羽葆。鼓吹。班劍。爲六十人。諡曰文簡。禮也。夫乘德而處。萬物不能害其貞。虛已以游。當世不能擾其度。均貴賤於條風。忘榮辱於彼我。然後可兼善天下。聊以卒歲。經始圖終。式免祗悔。誰云克備公實。有焉。是以義結君子。惠霑庶類。言象所未形。述詠所不盡。故吏某甲等。感逝川之無捨。哀清暉之眇默。餐輿誦於丘里。瞻雅詠於京國。思衛鼎之垂文。想晉鐘之遺則。方高山而仰止。刊玄石以表德。其辭曰。

辰精感運。昇靈發祥。元首惟明。股肱惟良。天鑑睿矚。踵武前王。欽若元輔。體微知章。永言必孝。因心則友。仁洽兼濟。愛潑善誘。觀海齊量。登嶽均厚。五臣茲六。八元斯九。丙暮帷幄。外

曜台階遠無不肅邇無不懷如風之偃如樂之諧光我帝典
緝彼民黎李禮蹈謙諒實身幹跡屈朱軒志隆衡館眇眇玄
宗萋萋辭翰義旣川流文亦霧散高構云積梁陰載缺德猷
靡嗣儀形長遞悵悵餘微鏘洋遺烈久而彌新用而不竭

頭陀寺碑文

王巾

蓋聞挹朝夕之池者無以測其淺深仰蒼蒼之色者不足知
其遠近况視聽之外若存若亡心行之表不生不滅者哉是
以掩室摩竭用啓息言之津杜口毗邪以通得意之路然語
彝倫者必求宗於九疇談陰陽者亦研幾於六位是故三才
旣辨識妙物之功萬象已陳悟太極之致言之不可以已其
在茲乎然爰繫所筌窮於此域則稱謂所絕形乎彼岸矣彼

岸者引之於有則高謝四流推之於無則俯弘六度名言不
得其性相隨迎不見其終始不可以學地知不可以意生及
其涅槃之蘊也夫幽谷無私有至斯響洪鐘虛受無來不應
況法身圓對規矩冥立一音稱物宮商潛運是以如來利見
迎維託生王室憇五衍之軌拯溺逝川開八正之門大庇交
喪於是玄關幽鍵感而遂通遙源瀆波酌而不竭行不捨之
檀而虛洽羣有唱無緣之慈而澤周萬物演勿照之明而鑒
窮沙界導亡機之權而功濟塵劫時義遠矣能事畢矣然後
拂衣雙樹脫屣金沙惟恍惟惚不嗽不味莫繫於去來復歸
於無物因斯而談則棲遑大千無爲之寂不撓焚燎堅林不
盡之靈無歇大矣哉正法旣沒象教陵夷穿鑿異端者以違

方爲得一順非辯僞者比微言於目論於是馬鳴幽讚龍樹
虛求並振頹綱俱維絕紐蔭法雲於真際則火宅長涼耀慧
目於康衢則重昏夜曉故能使二十七品有樽俎之師九十
六種無藩籬之固既而方廣東被教肄南移周魯一莊親照
夜景之鑿漢晉兩明並勒丹青之飾然後遺文間出列刹相
望澄什結轍於山西林遠肩隨乎江左矣頭陀寺者沙門釋
慧宗之所立也南則大川浩汗雲霞之所沃蕩北則層峰削
成日月之所迴薄西眺城邑百雉紆餘東望平臯千里超忽
信楚都之勝地也宗法師行繫瑤壁擁錫來游以爲宅生者
緣業空則緣廢存軀者惑理勝則惑亡遂欲捨百齡於中身
殉肌膚於猛鷲班荆蔭松者久之宋大明五年始立方丈茅

茨以庇經象後軍長史江夏內史會稽孔府君諱覬爲之
草開林置經行之室安西將軍郢州刺史江安伯濟陽蔡使
君諱興宗復爲崇基表剎立禪誦之堂焉以法師景行大迦
葉故以頭陀爲稱首後有僧勸法師貞節苦心求仁養志纂
修堂宇未就而沒高軌難追藏舟易遠僧徒間其無人椽椽
毀而莫構可爲長太息矣惟齊繼五帝洪名紐三王絕業祖
武宗文之德昭升嚴配格天光表之功弘啓興復是以惟新
舊物康濟多難步中雅頌驟合韶護炎區九譯沙場一候粵
在於建武焉乃詔西中郎將郢州刺史江夏王觀政藩維樹
風江漢擇方城之令典酌龜蒙之故實政肅刑清於是乎在
寧遠將軍長史江夏內史行事彭城劉府君諱誼智刃所遊

日新月故道勝之韻。虛往實歸。以此寺業廢於已安。功墜於
幾立。慨深覆篲。悲同棄井。因百姓之有餘閒。天下之無事屯。
徒揆日各有司存。於是民以悅來。工以心競。且丘被陵。因高
就遠。層軒延袤。上出雲霓。飛閣逶迤。下臨無地。夕露爲珠。網
朝霞爲丹。纓九衢之草千計。四照之花萬品。崖谷共清。風泉
相渙。金姿寶相。永藉閑安。息心了義。終焉游集。法師釋曇珍。
業行淳修。理懷淵遠。今屈知事任。永奉神居。夫民勞事功。既
鏤文於鐘鼎。言時稱代。亦樹碑於宗廟。世彌積而功宣。身逾
遠而名紹。敢寓言於彫篆。庶髣髴乎衆妙。其辭曰。

質判玄黃。氣分清濁。波器千名。含靈萬族。淳源上派。澆風下
黷。愛流成海。情塵爲岳。皇矣能仁。撫期命世。乃睠中土。聿來
迦備。奄有大千。遂荒三界。殷鑒四門。幽求六歲。亦旣成德。妙
盡無爲。帝獻方石。天開淥池。祥河輟水。寶樹低枝。通莊九折。
安步三危。川靜波澄。龍翔雲起。者山廣運。給園多士。金粟來
儀。文殊戾止。應乾動寂。順民終始。法本不然。今則無滅。象正
雖闌。希夷未缺。於昭有齊。式揚洪烈。釋網更維。玄津重柅。惟
此名區。禪慧攸託。倚據崇巖。臨眺通壑。溝池相漢。堆阜衡霍。
膺膺亭臯。幽幽林薄。媚茲邦后。法流是挹。氣茂三明。情超六
入。眷言靈宇。載懷典葺。丹刻鞏飛。輪奐離立。象設旣闢。辟容
已安。桂深冬煥。松疎夏寒。神足游息。靈心往還。勝幡西振。貞
石南刊。

齊故安陸昭王碑文

沈約

公諱緬字景業南蘭陵人也。稷契身佐唐虞有大功於天地。商武姬文所以膺圖受籙。蕭曹扶翼漢祖滅秦項以寧亂。魏氏時乘於前皇齊握符於後靈源與積石爭流神基與極天比峻。祖宣皇帝雄材盛烈名蓋當時考景皇帝舍道居貞卷懷前代公含辰象之秀德體河岳之上靈氣蘊風雲身負日月立行可模置言成範英華外發清明內昭天經地義之德因心必盡簡久遠大之方率由斯至掘其源者游泳而莫測懷其道者日用而不知昭昭若三辰之麗于天滔滔猶四瀆之紀于地六幽允洽一德無爽萬物仰之而彌高千里不言而斯應若夫彈冠出仕之日登庸蒞事之年軍麾命服之序監督方部之數斯固國史之所詳今可得而畧也。水德方衰

天命未改太祖龍躍俟時作鎮淮泗如仁夕惕之志中夜九迴龕世拯亂之情獨用懷抱深圖密慮衆莫能窺公陪奉朝夕從容左右蓋同王子洛濱之歲實惟辟疆內侍之年起予聖懷發言中直始以文學游梁俄而入掌綸誥蘭桂有芬清暉自遠帝出于震日衣青光方軌茅社俾侯安陸受瑞析珪遂荒雲野式掌儲命帝難其人公以宗室羽儀允膺嘉選協隆三善仰敷四德博望之苑載暉龍樓之門以峻獻替惟辰實掌喉唇奉待漏之書銜如絲之旨前暉後光非止恒授公以密戚上賢俄而奉職出納惟允劍壘增華伊昔帝唐九官咸事熊豹臨戴納言是司自此迄今其任無爽爰自近侍式贊權衡而皇情眷眷慮深求獲姑蘇與壤任切關河都會殷

負提封百萬全趙之袂服叢臺方此爲劣臨淄之揮汗成雨
曾何足稱乃鴻鸞舊吳作守東楚弘義讓以勗君子振平惠
以字小人撫同上德綏用中典疑獄得情而弗喜宿訟兩讓
而同歸雖春申之大啓封疆鄧攸之緝熙氓庶不能尚也夏
首藩要任重推轂衿帶中流地殷江漢南接衡巫風雲之路
千里西通鄆郢水陸之塗三七是惟形勝闕外莫先建麾作
牧明德攸在乃暴以秋陽威以夏日淨無不漸螻蟻之穴靡
遺明無不察容光之微必照由近而被遠自己而及物惠與
八風俱翔德與五材並運遠無不懷邇無不肅邑居不聞夜
吠之犬牧人不覩晨飲之羊譽表六條功最萬里還居近侍
兼饗戎秩候府寄隆儲端任顯東西兩晉茲選特難羊琇願

言而匪獲謝琰功高而後至升降二宮令績斯俟禁旅尊嚴
主器彌固禹穴神臯地埒分陝江左以來常遞斯任東渚距
海南望秦稽淵藪胥萃藿蒲攸在貨殖之民千金比屋郭壘
之內雲屋萬家刑政繁舛舊難詳南山羣盜未足多勦
海亂繩方斯易理公下車敷化風動神行誠恕既孚鉤距靡
用不待滂汗之權而奸渠必翦無假里端之籍而惡子咸誅
被以哀矜孚以信順南陽葦杖未足比其仁穎川時雨無以
豐其澤公攬轡升車牧州典郡感達民祗非待期月老安少
懷塗歌里詠莫不歡若親戚芬若椒蘭麾旆每及行悲道泣
攀車臥轍之戀爭塗忘遠去思一借之情愈久彌結方城漢
池南顧莫重北指嶠潼平塗不遇七百西接嶢武關路曾不

盈千疊隊夷徽。重山萬里。小則俘民。略畜大則攻城。剽邑。晉
宋迄今。有切民患。烽鼓相望。歲時不息。推埋穿掘之黨。阡陌
成羣。傲法侮吏之人。曾莫禁禦。累藩咸受其弊。歷政所不能
裁。加以戎羯窺窬。伺我邊隙。北風未起。馬首便以南向。塞草
未衰。嚴城於焉早閉。永明八載。疆場大駭。天子乃心北眷。聽
朝不怡。揚旆漢南。非公莫可。於是驅馬原隰。卷甲遄征。威令
首塗。仁風載路。軌躅清晏。車徒不擾。牛酒日至。壺漿塞道。失
義大羊。其來又矣。徵賦嚴切。唯利是求。首鼠疆界。災蠹彌廣。
公扇以廉風。孚以誠德。盡任棠置水之情。弘郭伋待期之信。
金如粟而弗覩。馬如羊而靡入。雞雉必懷。豚魚不爽。由是傾
巢舉落。望德如歸。推髻鬢。首日拜門闕。卉服滿塗。夷歌成韻。

禮義旣敷。威刑具舉。疆民獷俗。反志遷情。風塵不起。囹圄寂
寞。富商野次。宿秉停苗。蝥蝗弗起。豺虎遠跡。北狄懼威。關塞
謐靜。偵諜不敢。東窺駝馬。不敢南牧。方欲振策燕趙。席卷秦
代。陪龍駕於伊洛。侍紫蓋於咸陽。而邁疾彌留。歛焉大漸。耕
夫釋耒。桑婦下機。參請門衢。並走羣羣。維永明九年夏五月
三十日辛酉。薨春秋二十有七。城府颯然。庶僚如喪。男女老
幼。大臨街衢。接響傳聲。不踰時而達于四境。夷羣戎落。幽遠
必至。望城拊膺。震動郭邑。並求入奉靈輓。藩司抑而弗許。雖
鄧訓致勞。面之哀。羊公深罷市之慕。對而爲言。遠有漸德。神
駕東還。號送踰境。奉觴奠以望靈。仰蒼天而自訴。震響成雷。
盈塗咽水。公臨危審正。載貽話言。楚囊之請。雖幾而瀕。固衛

綻銀蝨
縷取存
消潛
怕覩据

魚之心身亡而意結一宮軫慟遐邇同哀追贈侍中領衛將軍給鼓吹一部諡曰昭侯時皇上納麓在辰登庸伊始允副朝端兼掌屯衛聞凶哀震感絕移時因邁沈疴留氣序世祖日夜憂懷備盡寬譬勉膳禁哭中使相望上雖外順皇旨內殿私痛獨居不御酒肉坐臥泣涕霑衣若此移年癯瘠改貌天倫之愛振古莫儔及俯膺天眷入纂絕業分命懿親台到繁弱以流涕望曲阜而含悲改贈司徒因諡為郡世公少而英明長而弘潤風標秀舉清暉映世學編吾玄言警悅之麗篆籀之則第六義於懷抱究八體屏思之微秋儲無以競巧取睽之妙流睇未足稱奇至公以奉上鳴謙以接下撫僚庶盡盛德之容交士林忘公

侯之貴虛懷博納幽關洞開宴語談笑情瀾不竭譽滿天下德冠生民蓋百代之儀表千年之領袖曾不愁留梁摧奄及豈唯倚終蹇謝興誑輟相而已哉凡我僚舊均哀共戚怨天德之無厚痛棠陰之不留思所以克播遺塵敝之穹壤乃刊石圖徽寄情銘頌其辭曰

天命玄鳥降而生商是開金運祚始玉筐三仁去國五曜入房亦白其馬侯服周王本枝派別因菜命氏涉徐而東義均梁徙自茲以降懷青拖紫崇基巖巖長瀾瀾瀾惟聖造物龍飛天步載鼎載革有除有布高皇赫矣仰膺乾顧景皇蒸哉實啓洪祚喬嶽峻峙命世興賢應期誕德絕後光前幾以成務覺在民先位非大寶爵乃上天爰始濯纓清猷濬發升降

魚之心身亡而意結一宮軫慟遐邇同哀追贈侍中領衛將軍給鼓吹一部諡曰昭侯時皇上納薨在辰登庸伊始允副朝端兼掌屯衛聞凶哀震感絕移時因遣沈疴縣留氣序世祖日夜憂懷備盡寬譬勉膳禁哭中使相望上雖外順皇旨內殿私痛獨居不御酒肉坐臥泣涕霑衣若此移年癯瘠改貌天倫之愛振古莫儔及俯膺天眷入纂絕業分命懿親台牧並建對繁弱以流涕望曲阜而含悲改贈司徒因諡為郡王禮也惟公少而英明長而弘潤風標秀舉清暉映世學編書部特善玄言警悅之麗篆籀之則窮六義於懷抱究八體於毫端亦思之微秋儲無以競巧取睽之妙流睇未足稱奇至公以奉上鳴謙以接下撫僚庶盡盛德之容交士林忘公

侯之貴虛懷博納幽關洞開宴語談笑情瀾不竭譽滿天下德冠生民蓋百代之儀表千年之領袖曾不慙留梁摧奄及豈唯僑終蹇謝興謠輟相而已哉凡我僚舊均哀共戚怨天德之無厚痛棠陰之不畱思所以克播遺塵敝之穹壤乃刊石圖徽寄情銘頌其辭曰

天命玄鳥降而生商是開金運祚始玉筐三仁去國五曜入房亦白其馬侯服周王本枝派別因萊命氏涉徐而東義均梁徙自茲以降懷青拖紫崇基巖巖長瀾瀾惟聖造物龍飛天步載鼎載革有除有布高皇赫矣仰膺乾顧景皇蒸哉實啓洪祚喬嶽峻峙命世興賢應期誕德絕後光前幾以成務覺在民先位非大寶爵乃上天爰始濯纓清猷濬發升降

文陛透迤魏闕惠露霑吳仁風扇越涉夏踰漢政成期月用
簡必從日新為盛在上哀矜臨下莊敬草木不夭昆蟲得性
我有芳蘭民胥攸詠羣夷蠢蠢巖別嶂分傾山盡落其從如
雲挈妻荷子負戴成羣廻首請吏曾何足云音聞天道仁綢
不遂彼蒼如何興山止簣四牡方馳六龍頓轡斯民曷仰邦
國殄瘁齊隕晏平行哭致禮趙祖昌國列邦揮涕況我君斯
皇之介第哀感徒庶慟興雲陛階毀畱攢川汎歸軸競羞野
奠爭攀去轂遵渚號追臨渡望哭無絕終古惟蘭與菊塗由
帝渚朱軒靡駕東首塋園卽宮長夜逝川無待黃金難化鐘
石徒刊芳猷永謝

墓誌類

劉先生夫人墓誌

任昉

既稱萊婦亦曰鴻妻復有令德一與之齊實佐君子簪蒿杖
藜欣欣負載在冀之畦居室有行亟聞義讓稟訓丹陽弘風
丞相籍甚二門風流遠尚肇允才淑闡德斯諒蕪沒鄭鄉寂
寥楊冢參差孔樹毫末成拱暫啓荒延長局幽隴夫貴妻尊
匪爵而重

行狀類

齊竟陵文宣王行狀

任昉

祖太祖高皇帝

父世祖武皇帝

南徐州南蘭陵郡縣都鄉中都里蕭公年三十五行狀

公道亞生知照隣。幾庶孝始人倫忠爲令德。公實體之非毀。譽所至。天才博瞻。學綜該明。至若曲臺之禮。九師之易。樂分龍趙。詩析齊韓。陳農所未究。河間所未輯。有一於此。罔不兼綜者歟。昔沛獻訪對於雲臺。東平齊聲於揚史。淮南取貴於食時。陳思見稱於七步。方斯蔑如也。初沈攸之跋扈上流。稱亂陝服。宋鎮西晉熙王南中郎邵陵王並鎮盆口。世祖毗贊兩藩而任總西伐。公時從在軍。鎮西府版寧朔將軍軍主南中郎版補行參軍署法曹。于時景燭雲火。風馳羽檄。謀出股肱。任切書記。遷左軍邵陵王主簿記室參軍。既允焚林之求。實兼儀形之寄。刀筆不足宣功。風體所以弘益。除邵陵王友。又爲安南邵陵王長史。東夏形勝。關河重複。選衆而舉。敦悅

斯在。除使持節都督會稽東陽臨海永嘉新安五郡諸軍事。輔國將軍會稽太守。太祖受命。廣樹藩屏。公以高昭武穆。惟戚惟賢。封聞喜縣開國公。食邑千戶。又以奏課連最。進號冠軍將軍。越人之巫覩正風而化。篁竹之首感義讓而失險。邪叟忘其西。具龍丘挾其東。皇會武穆。皇后崩。公星言奔波。泣血千里。水漿不入於口者。至自禹穴。逮衣裳外除。心哀內疚。禮屈於厭。降事迫於權奪。而茹戚肌膚。沉痛創距。故知鐘鼓非樂云之本。縗履非隆殺之要。改授征虜將軍丹陽尹。良家入徙。戚里內屬。政非一軌。俗備五方。公內樹寬明。外施簡惠。神臯載穆。轂下以清。武帝嗣位。進封竟陵郡王。食邑如千戶。復授使持節都督南徐兗二州諸軍事。鎮北將軍南徐州

麴 襍 鑰 齎 膈 杯 緘 恕 符 醒 秤 勢 尤

遷使持節侍中都督南兗徐北兗青冀五州諸軍事征
軍南兗州刺史兗徐接壤素漸河潤未及下車仁聲先
關靖柝北門寢扃朝旨以董司岳牧敷興邦教方任雖
此為輕微護軍將軍兼司徒侍中如故又授車騎將軍
徒侍中如故即授司徒侍中又如故上穆三能下敷五
玄闡以闡化寢鳴鐘以體國翼亮孝治緝熙中教奪金
蹊田自嘿不彫其朴用晦其明聲化之有倫繁公是賴
肇興儀形國胄師氏之選允歸人範以本官領國子祭
酒固辭不拜入座初啓以公補尚書令式是敷奏百揆時序
夫國家之道互為公私君親之義遞為隱犯公二極一致愛
敬同歸亮誠盡規謀猷弘遠矣又授使持節都督揚州諸軍

事揚州刺史本官悉如故舊惟淮海今則神牧編戶殷阜萌
俗滋繁不言之化若門到戶說矣頃之解尚書令改授中書
監餘悉如故獻納樞機絲綸允緝武皇晏駕寄深負圖公仰
惟國典俛遵遺託俯擬天倫踊絕于地居處之節復如居武
穆之憂聖主嗣興地居旦爽有詔策授太傅領司徒餘悉如
故坐而論道動以觀德地尊禮絕親賢莫貳又詔加公入朝
不趨讚拜不名劔履上殿肅傅之賢曹馬之親兼之者公也
復以申威重道增崇德統進督南徐州諸軍事餘悉如故並
表疏累上身沒讓存天不憇遺梁岳頽峻某年某月日薨春
秋三十有五詔給溫明秘器欽以袞章備九命之禮遣人鴻
臚監護喪事朝夕奠祭太官供給禮也故以慟極津門感充

刺史遷使持節侍中都督南兗徐北兗青冀五州諸軍事征
北將軍南兗州刺史兗徐接壤素漸河潤未及下車仁聲先
洽玉關靖柝北門寢扃朝旨以董司岳牧敷興邦教方任雖
重比此爲輕徵護軍將軍兼司徒侍中如故又授車騎將軍
兼司徒侍中如故卽授司徒侍中又如故上穆三能下敷五
典闢玄闈以闡化寢鳴鐘以體國翼亮孝治緝熙中教奪金
恥訟蹊田自嘿不彫其朴用晦其明聲化之有倫繁公是賴
庠序肇興儀形國胄師氏之選允歸人範以本官領國子祭
酒固辭不拜入座初啓以公補尚書令式是敷奏百按時序
夫國家之道互爲公私君親之義遞爲隱犯公二極一致愛
敬同歸亮誠盡規謀猷弘遠矣又授使持節都督揚州諸軍

事揚州刺史本官悉如故舊惟淮海今則神牧編戶殷阜萌
俗滋繁不言之化若門到戶說矣頃之解尚書令改授中書
監餘悉如故獻納樞機絲綸允緝武皇晏駕寄深負圖公仰
惟國典俛遵遺託俯擗天倫踊絕于地居處之節復如居武
穆之憂聖主嗣興地居旦奭有詔策授太傅領司徒餘悉如
故坐而論道動以觀德地尊禮絕親賢莫貳又詔加公入朝
不趨讚拜不名劔履上殿肅傅之賢曹馬之親兼之者公也
復以申威重道增崇德統進督南徐州諸軍事餘悉如故並
表疏累上身沒讓存天不憖遺梁岳頽峻某年某月日薨春
秋三十有五詔給溫明秘器欽以袞章備九命之禮遣人鴻
臚監護喪事朝夕奠祭太官供給禮也故以慟極津門感充

長樂豈徒春人不相傾壘罷肆而已哉乃下詔曰褒崇庸德
前王之令典追遠尊戚公情之所隆故使持節都督揚州諸
軍事中書監太傅領司徒揚州刺史竟陵王新除進督南徐
州體睿履正神鑒淵邈道冠民宗具瞻惟允肇自弱齡孝友
光備爰及贊契協升景業燮和合曜五教克宣敷奏朝端百
揆惟穆寄重先顧任均負圖諒以齊微二南同規往哲方憑
保佑永翼雍熙天不憖遺奄見薨落哀慕抽割震動于朕心
今先遠戒期龜謀襲吉茂崇嘉制式弘風猷可追崇假黃鉞
侍中都督中外諸軍事太宰領大將軍揚州牧綠綬綬具九
錫服命之禮使持節中書監王如故給九旒鑿輅黃屋左纛
輜輶車前後部羽葆鼓吹挽歌二部虎賁班劍百人葬禮一

依晉安平獻王孚故事連公道識虛遠表裏融通淵然萬頃直
上千仞僕妾不覩其喜愠近侍莫見其傾弛他人之善若已
有之民之不臧公實貽恥誘接恂恂降以顏色方於事上好
下規已而廉於殖財施人不倦帝子儲季令行禁止國網天
憲實諸掌握未嘗鞠人於輕刑錮人於重議人有不及內恕
諸已非意相干每爲理屈在天下之重體生民之後華表與
繡繡同歸山藻與蓬茨俱逸良田廣宅符仲長之言邛山洛
水協應叟之志丘園東國錙銖軒冕乃依林構宇傍巖拓架
清緩與壺人爭日緹幙與素纈交輝置之虛室人野何辨高
人何點躡屨於鐘阿徵士劉虬獻書於衡岳贈以古人之服
弘以度外之禮屈以好士之風申其趨王之意乃知大春屈

已五王君大降節憲后致之有由也其卉木之奇泉石之美
公所製山居四時序言之已詳矣皇帝養德東朝同符作者
爰造九言實該自行遵衿襦於未萌申炯戒於茲日非直且
暮千載故乃萬世一時也命公註解衛將軍王儉綴而序之
山宇初構超然獨往顧而言曰死者可歸誰與入室尚想前
良俾若神對乃命書工圖之軒牖既而網屬賢英傍思才淑
匹婦之操亦有取焉有客游梁朝者從容而進曰未見好德
愚竊惑焉即命刊削投杖不暇公以為出言自口驥驟不追
聽受一謬差以千里所造箴銘積成卷軸門階戶席寓物垂
訓先是震于外寢匠者以為不祥將加治昔公曰此天譴也
無所改脩以記吾過且令戒懼不怠從諫如順流虛已若不

足至於言窮藥石若味滋音信必由中貌無外悅貴而好禮
怡寄典墳雖率以物役孜孜無怠乃撰四部要略淨任子並
勒成一家懸諸日月弘洙泗之風闡迦維之化大漸彌留話
言盈耳黜殞之請至誠懇惻豈古人所謂立言於世沒而不
朽者歟易名之典請遵前列謹狀

弔文類

弔屈原文 并序

賈誼

誼為長沙王太傅既以謫去意不自得及渡湘水為賦以弔
屈原屈原楚賢臣也被讒放逐作離騷賦其終篇曰已矣哉
國無人兮莫我知也遂自投汨羅而死誼追傷之因以自喻
其辭曰恭承嘉惠兮俟罪長沙側聞屈原兮自沉汨羅造託

償重渾
盜覲言
賊滯礎
藜蹉鎬
鞭管絞
遮枯槁
臘忙斥
透揀鞮
憬軟

流兮敬弔先生遭世罔極兮乃隕厥身嗚呼哀哉逢時不
驚鳳伏竄兮鳴皋翔翔關其尊顯兮讒諛得志賢聖逆曳
方正倒植世謂隨夷為溷兮謂跣躄為廉莫邪為鈍兮鈇
為鉛門嗟默默生之無故兮幹棄周鼎寶康瓠兮騰駕罷
駮塞驢兮鬣垂兩耳服鹽車兮章甫薦履漸不可久兮嗟
先生獨離此咎兮訊曰已矣國其莫我知兮獨壹鬱其誰
鳳漂漂其高逝兮固自引而遠去襲九淵之神龍兮沕深
以自珍倘螻蟻以隱處兮夫豈從蝦與蛙蟻所貴聖人之
德兮遠濁世而自藏使騏驥可得係而羈兮豈云異夫犬
般紛紛其離此尤兮亦夫子之故也歷九州而相其君兮
何必懷此都也鳳凰翔于千仞兮覽德輝而下之見細德之

險徵兮遙增擊而去之彼尋常之汗瀆兮豈能容夫吞舟之
巨魚橫江湖之鱣鯨兮固將制於螻蟻

弔魏武帝文 井序

陸機

苻敢捷眉八年機始以臺郎出補著作游乎秘閣而見魏武帝遺
叱想煥
萃架駭
豪炬嫂
嘖呻欠
去

然歎息傷懷者久之客曰夫始終者萬物之人歸死生
比命之區域是以臨喪殯而後悲觀陳根而絕哭今乃傷
年之際興哀無情之地意者無乃知哀之可有而未識
之可無乎機答之曰夫日蝕由乎交分山崩起於朽壤亦
歎而已矣然百姓怪焉者豈不以資高明之質而不免卑
累居常安之勢而終嬰傾離之患故乎夫以迴天倒日
之力而不能振形骸之內濟世夷難之智而受困魏闕之下

湘流兮敬弔先生遭世罔極兮乃隕厥身嗚呼哀哉逢時不
祥鸞鳳伏竄兮鴟梟翔關茸尊顯兮讒諛得志賢聖逆曳
兮方止倒植世謂隨夷為溷兮謂跖躄為廉莫邪為鈍兮鈇
刀為鋸吁嗟默默生之無故兮幹棄周鼎寶康瓠兮騰駕罷
牛駘寒驢兮驥垂兩耳服鹽車兮章甫薦履漸不可久兮嗟
苦先生獨離此咎兮訊曰已矣國其莫我知兮獨壹鬱其誰
語鳳漂漂其高逝兮固自引而遠去襲九淵之神龍兮沕深
潛以自珍伺螻獮以隱處兮夫豈從蝦與蛭蠃所貴聖人之
神德兮遠濁世而自藏使騏驥可得係而羈兮豈云異夫犬
羊般紛紛其離此尤兮亦夫子之故也歷九州而相其君兮
何必懷此都也鳳凰翔于千仞兮覽德輝而下之見細德之

險徵兮遙增擊而去之彼尋常之汗瀆兮豈能容夫吞舟之
巨魚橫江湖之鱣鯨兮固將制於螻蟻

弔魏武帝文 并序

陸機

元康八年機始以臺郎出補著作游乎秘閣而見魏武帝遺
令愴然歎息傷懷者久之客曰夫始終者萬物之人歸死生
者性命之區域是以臨喪殯而後悲觀陳根而絕哭今乃傷
心百年之際興哀無情之地意者無乃知哀之可有而未識
情之可無乎機答之曰夫日蝕由乎交分山崩起於朽壤亦
云數而已矣然百姓怪焉者豈不以資高明之質而不免卑
濁之累居常安之勢而終嬰傾離之患故乎夫以迴天倒日
之力而不能振形骸之內濟世夷難之智而受困魏闕之下

率捕裘
撲躡皴
瘦黃溢
側鞞塚
避堵

已而格乎上下者。藏於區區之木。光于四表者。翳乎叢爾之
土。雄心摧於弱情。壯圖終於哀志。長算屈於短日。遠跡頓於
促路。嗚呼。豈特贅史之異闕。景黔黎之怪頽。岸乎觀其所以
顛命冢嗣。貽謀四子。經國之略。既遠隆家之訓。亦弘又云。吾
中持法是也。至於小忿。怒大過失。不當效也。善乎達人
言矣。持姬女而指季豹。以示四子。日以累汝。因泣下。傷
以天下自任。今以愛子託人。同乎盡者無餘。而得乎二
存。然而姚嬖房闈之內。綢繆家人之務。則幾乎密與。又
曰。婕妤妓人。皆著銅雀臺於臺堂上。施八尺牀。張總帳。朝
脯上脯糲之屬。月朝十五日。輒向帳作妓汝等。時時登銅雀
臺。望吾西陵墓田。又云。餘香可分與諸夫人。諸舍中無所為

學作履組賣也。吾歷官所得綬。皆著藏中。吾餘衣裘。可別為
一藏。不能者。兄弟可共分之。既而竟分焉。亡者可以勿求。存
者可以勿違。求與違不其兩傷乎。悲夫。愛有大而必失。惡有
甚而必得。智慧不能去其惡。威力不能全其愛。故前識所不
用心。而聖人罕言焉。若乃繫情累於外物。留曲念於閨房。亦
賢俊之所宜廢乎。於是遂憤懣而獻弔云爾。
接皇漢之末緒。值王塗之多違。佇重淵以育麟。撫慶雲而遐
飛。運神道以載德。乘靈風而扇威。摧羣雄而電擊。舉勅敵其
如遺。指八極以遠略。必翦焉而後綏。釐三才之闕典。啓天地
之禁闡。舉脩網之絕紀。紐大音之解微。掃雲物以貞觀。要萬
塗而來歸。丕大德以宏覆。援日月而齊暉。濟元功於九有。固

文選正文卷之十一
已而格乎上下者。藏於區區之木。光于四表者。翳乎叢爾之
土。雄心摧於弱情。壯圖終於哀志。長算屈於短日。遠跡頓於
促路。嗚呼。豈特瞽史之異闕。景黔黎之怪頽。岸乎觀其所以。
顧命冢嗣。貽謀四子。經國之略。既遠。隆家之訓。亦弘。又云。吾
在軍中。持法是也。至於小忿。怒大過失。不當效也。善乎。達人
之讜言矣。持姬女。而指季豹。以示四子。曰。以累汝。因泣下。傷
哉。曩以天下。自任。今以愛子。託人。同乎盡者。無餘。而得乎二
者。無存。然而婉孌。房闈之內。綢繆。家人之務。則幾乎密。與又
曰。吾婕妤。妓人。皆著銅雀臺於臺堂上。施八尺牀。張總帳。朝
脯。脯糲之屬。月朝十五日。輒向帳作妓。汝等時時登銅雀
臺。望吾西陵墓田。又云。餘香可分。與諸夫人。諸舍中無所爲。

學作履組。賣也。吾歷官所得。綬皆著藏中。吾餘衣裘。可別爲
一藏。不能者。兄弟可共分之。既而竟分焉。亡者可以勿求。存
者可以勿違。求與違不其兩傷乎。悲夫。愛有大而必失。惡有
甚而必得。智惠不能去其惡。威力不能全其愛。故前識所不
用心。而聖人罕言焉。若乃繫情累於外物。畱曲念於閨房。亦
賢俊之所宜廢乎。於是遂憤懣而獻弔云爾。

接皇漢之末緒。值王塗之多違。佇重淵以育麟。撫慶雲而遐
飛。運神道以載德。乘靈風而扇威。摧羣雄而電擊。舉勅敵其
如遺。指八極以遠略。必翦焉而後綏。釐三才之闕典。啓天地
之禁闡。舉脩綱之絕紀。紐大音之解微。掃雲物以貞觀。要萬
塗而來歸。丕大德以宏覆。援日月而齊暉。濟元功於九有。固

舉世之所推。彼人事之大造。夫何往而不臻。將覆篲於浚谷。擠爲山乎九天。苟理窮而性盡。豈長算之所研。悟臨川之有悲。固梁木其必顛。當建安之三。八實大命之所艱。雖光昭於曩載。將稅駕於此年。惟降神之繇。邈眇千載。而遠期信斯武之未喪。膺靈符而在茲。雖龍飛於文昌。非王心之所怡。憤西夏以鞠旅。沂秦川而舉旗。踰鎬京而不豫。臨渭濱而有疑。冀翼日之云。瘳彌四旬而成災。詠歸塗以反旆。登崑澗而竭來次。洛汭而大漸。指六軍曰念哉。伊君王之赫奕。寔終古之所難。威先天而蓋世。力盪海而拔山。厄奚險而弗濟。敵何疆而不殘。每因禍以禔福。亦踐危而必安。迄在茲而蒙昧。慮噤閉而無端。委軀命以待難。痛沒世而永言。撫四子以深念。循膚體而積歎。迨營鬼之未離。假餘息乎音翰。執姬女以嘔瘁。指季豹而漼焉。氣衝襟以嗚咽。涕垂睫而汎瀾。違率土以靜寐。戢彌天乎一棺。咨宏度之峻邈。壯大業之允昌。思居終而恤始。命臨沒而肇揚。援貞吝以基悔。雖在我而不臧。惜內顧之纏絲。恨末命之微詳。紆廣念於履組。塵清慮於餘香。結遺情之婉變。何命促而意長。陳法服於帷座。陪窈窕於玉房。宣備物於虛器。發哀音於舊倡。矯感容以赴節。掩零淚而薦觴。物無微而不存。體無惠而不仁。庶聖靈之響像。想幽神之復光。苟形聲之翳沒。雖音景其必藏。微清絃而獨奏。進脯糲而誰嘗。悼總帳之冥漠。怨西陵之茫茫。登雀臺而羣悲。貯美目其何望。既踰古以遺累。信簡禮而薄葬。彼裘紱於何有。貽塵謗

體而積歎。迨營鬼之未離。假餘息乎音翰。執姬女以嘔瘁。指季豹而漼焉。氣衝襟以嗚咽。涕垂睫而汎瀾。違率土以靜寐。戢彌天乎一棺。咨宏度之峻邈。壯大業之允昌。思居終而恤始。命臨沒而肇揚。援貞吝以基悔。雖在我而不臧。惜內顧之纏絲。恨末命之微詳。紆廣念於履組。塵清慮於餘香。結遺情之婉變。何命促而意長。陳法服於帷座。陪窈窕於玉房。宣備物於虛器。發哀音於舊倡。矯感容以赴節。掩零淚而薦觴。物無微而不存。體無惠而不仁。庶聖靈之響像。想幽神之復光。苟形聲之翳沒。雖音景其必藏。微清絃而獨奏。進脯糲而誰嘗。悼總帳之冥漠。怨西陵之茫茫。登雀臺而羣悲。貯美目其何望。既踰古以遺累。信簡禮而薄葬。彼裘紱於何有。貽塵謗

於後王嗟大戀之所存故雖哲而不忘覽遺籍以慷慨獻茲文而悽傷

祭文類

祭古冢文 并序

謝惠連

東府掘城北塹入丈餘得古冢上無封域不用磚甃以木爲槨中有二棺正方兩頭無和明器之屬材瓦銅漆有數十種多異形不可盡識刻木爲人長三尺可有二十餘頭初開見悉是人形以物振撥之應手灰滅棺上有五銖錢百餘枚水中有甘蔗節及梅李核瓜瓣皆浮出不甚爛壞銘誌不存世代不可得而知也公命城者改埋於東岡祭之以豚酒旣不知其名字遠近故假爲之號曰冥漠君云爾

元嘉七年九月十四日司徒御屬領直兵令史統作城錄事臨漳令亭侯朱林具豚醪之祭敬薦冥漠君之靈忝總徒旅版築是司窮泉爲塹聚壤成基擲旣啓雙棺在茲拾畚悽愴縱鍾漣洏芻蕘已毀塗車旣摧几筵糜腐俎豆傾低盤或梅李益或醢醢蔗傳餘節瓜表遺犀追惟夫子生自何代曜質幾年潛靈幾載爲壽爲夭寧顯寧晦銘誌堙滅姓字不傳今誰子後曩誰子先功名美惡如何蔑然百堵皆作十仞斯齊墟不可轉漣不可迴黃腸旣毀便房已頽循題興念撫偏增哀射聲垂仁廣漢流渥祠骸府阿掩骼城曲仰羨古風爲君改卜輪移北陸窳窳東麓壙卽新營棺仍舊木合葬非古周公所存敬遵昔義還耐雙魂酒以兩壺牲以特豚幽靈髣

鬢歎我犧樽嗚呼哀哉

祭屈原文

顏延之

維有宋五年月日。湘州刺史吳郡張邵。恭承帝命。建旗售楚。蒞懷沙之淵。得捐珮之浦。弭節羅潭。艤舟沮渚。乃遣尸曹。掾某。敬祭故楚三閭大夫屈君之靈。蘭薰而摧。玉鎮則折。物忌堅芳。人諱明潔。日若先生。逢辰之缺。溫風怠時。飛霜急節。羸芋遘紛。昭懷不端。謀折儀尚。貞茂椒蘭。身絕郢闕。跡徧湘干。比物荃蓀。連類龍鸞。聲溢金石。志華日月。如彼樹芬。實穎實發。望泪心歆。瞻羅思越。藉用可塵。昭忠難闕。

祭顏光祿文

王僧達

維宋孝建三年九月癸丑朔十九日辛未。王君以山羞野酌。

敬祭顏君之靈。嗚呼哀哉。夫德以道樹。禮以仁清。惟君之懿。早歲飛聲。義窮幾象。文蔽班揚。性粹剛絜。志度淵英。登朝光國。實宋之華才。通漢魏譽。浹龜沙。服爵帝典。棲志雲阿。清交素友。比景共波。氣高叔夜。嚴方仲舉。逸翮獨翔。孤風絕侶。流連酒德。嘯歌琴緒。游顧移年。契濶宴處。春風首時。爰談爰賦。秋露未凝。歸神太素。明發晨駕。瞻廬望路。心悽目泣。滋情條雲。瓦涼陰掩。軒娥月寢。耀微燈動。光几牘誰。炤衽袵長塵。絲竹罷調。學悲蘭宇。屑涕松嶠。占來共盡。牛山有淚。非獨吳天。殲我明懿。以此忍哀。敬陳奠饋。申酌長懷。願聖獻歆。嗚呼哀哉。

文選正文卷之十二

古未所傳國刻文選正文若干悉皆以國字左右所注如馬駘
 之足塾師授之弟子受之讀畢而不知歷代諸家之作譬諸婦
 媵買櫝亦唯有勞無功而已南郭服老閩之刻白文以授之善
 則善矣未讀而輒置之世遂無知之者唯吾山子執中譯之有
 益學者是以東西南北一皆從之每歲而前故磨滅日月愷氏
 欲翻刻之抑此書前版雕刻既成而後使吾古萬子福授之雅
 有誤誤難改正者有之曲從以至今日則請余校閱之而余衰
 老多事則一二閱之而使見諫重訂之於是文字誤者國誤矣
 者其譯紕繆者數千盡改之以按刻劉氏雖然蕭氏所選數十
 萬言焉期不有少遺漏哉乃其補闕拾遺當俟後之學者矣

文政癸未冬十一月八日 信州久保愛識



和漢書竹精精造發兌

- 江戸日本橋通一丁目 須原屋茂兵衛
- 全 戴丁目 須原屋新兵衛
- 全 淺艸茅町壹丁目 須原屋伊八
- 全 日本橋通貳丁目 山城屋佐兵衛
- 全 芝神明前 岡田屋嘉七



大坂心齋橋南三壹丁目 秋田屋市兵衛

全北
 第三十册
 第十七号
 年

